

Paulunê papia kêtu luagêcña gêdên **TIMOTE**

Paulunê papia kêtu luagêcña gêdên Timote nec ñac tau keto gebe êpuc nê kêpuctôñwaga matac tau tôñ êtu mêtê ñakolenña. Binj êpuc tau tôñ ñañênña gêjam paplê tonec auc. Paulu gêlên binj to kékêli Timote gebe êwa Jesu Kilisi sa êsap enj tôñ ñañêngeñ ma etoc Ñawae Ñajam to Binjlênsêm Langwa ñabinj ñanô sa ñapañ amboac tañ. Timote gêôc ñandanj to lau sêli taunj saboa gêdên enj, mago êngôm nê kôm kêdônwaga to jaenwagaña êkô ñajaña endenj tôñgeñ.

Paulu gêjac binjsu enj kêkacgeñ gebe ênac jaê “binjalôm ñaôma to kaucgêbôc” gebe kêmoasinj lau tenj atomanô, gêgôm lau, tañ sêkênj tanenj binj amboac tonanj sêbac taunj sugenj.

Paulu gêwa tau to nê lên ma nê kolenj sa gêdên Timote gebe enj taê ênam ma êkênj êtu ñadônônj êndênj tau. Aposolo gêôc ñandanj to kisa, mago kêkênj gêwiñgeñ. Enj gê binj tôñgeñ to têtac gêwiñ laugenj ma kêpuc tau tôñgeñ, tec gebe Timote êpuc enj wêña.

Ñad ênanj

1. Paulu gêjac m papia tau 1:1-2
2. Awa gêôc Anôtô ma gêlênj binj Timote 1:3–2:13
3. Timotenê gôlinj kêtu mêtêgeowagaña 2:14–4:5
4. Paulu tau nê binj 4:6-18
5. Paulu gêjac mata nê papia 4:19-22

Paulu gêjac m nê papia

¹ Kilisi Jesu nê aposolo aê, Paulu, tañ Anôtô taê gêjam kêtú tòn gebe jatu aposolo. Enj gêjac mata gebe Kilisi Jesu êkên aêac dangôn maten jali, tec kêsakin aê gebe jasôm bin tonan lasê.

² Aênoc papia tonec êndên latuc Timote, tañ noc têtac gêwin aôm nan. Tamenji Anôtô agêc aêacnên Apômtau Kilisi Jesu nên moasin ma taên walô to binmalô êndên aôm êwac.

Paulu gêjam danje Anôtô to kêpuc Timote tøn

³ Aê gajam danje Anôtô ma gajam sakin enj tonoc ñalêlôm ñawa kêtôm noc lau ñanô sêgôm, ma taêc gêjam aôm kêsêp noc meclêlôm kêtôm bêc to gelenjen ñapan.

⁴ Aê taêc gêjam aôm matamsulu ma gajam aoc su gabe jalic aôm e têtac ñajam êsa samucgen.

⁵ Aê taêc gêjam aôm gebe kôkenj gêwin ñanô kêtôm dêbômo Lois agêc tênam Ainike êsêagêc sêkên gêwin amboac tonan. Ma aê kajala gebe aôm kôkênj gêwin kôtôm êsêagêc.

⁶ Kêtu bin tonanña aê gabe aôm taêm ênam Anôtônê moasin, tañ kêsêp nêm ñalêlôm. Moasin tau aôm gôwê kainj kêtú kakênj lemoc gêsac aômña. Ôngôm nêm moasin tonan elom lasê êtôm jamênj.

⁷ Aôm kôjala gebe Anôtô kêkênj ñalau tatêc tauñña gêdênj aêac atom. Enj kêkênj ñalau ñaclai to têntac gêwinj tauñña ma tatu mêtê tauñña gêdênj aêac.

⁸ Amboac tonan ôwa aêacnên Apômtaunê mêtê sa tomajam êmbacgen ma majam êtu ênê ñac kapoacwalônña aê atom amboac tonanjenj. Anôtô ñaclai êpuc aôm tøn ma ôc ñawae ñajam ñagênwapac ôwinj.

⁹ Anôtô gêjam aêac kêsi to kêkalem aêac gebe tatu ênê lau. Enj kêkalem aêac kêtû aêacnêj koleŋja atom, masianô, kêkalem aêac kêtû enj tau nê binj, taŋ taê gêjam kwananŋen nanja to kêtû êmoasiŋ aêacŋa. Gêdêj andanŋenanô enj kêmoasi ŋ aêac kêtû Kilisi Jesuŋa.

¹⁰ Ma galoc aêacnêj kêsiwaga Kilisi Jesu mêngeô lasê, tec geoc nê moasiŋ tau lasê gêdêj aêac. Enj gesenj gêmacanô su ma nê ŋawae ŋajam geoc danŋônj maten jali tenŋenja lasê.

¹¹ Anôtô kêkêj aê gebe jatu binj tonan ŋajaenwaga to ŋaaposolo ma ŋakêdônjwaga.

¹² Kêtû binj tonan ŋaija tec gaôc gêŋwapac tonec, mago majoc atom. Aê kajala ŋac, taŋ kakêj gêwiŋ enj nanj, ma galic kêtû tôj gebe enj kêtôm gebe ejop gêj, taŋ kêkêj kêsêp aê lemoc nanj, e êndêj bêc ônê.

¹³ Binj ŋajam, taŋ gônjô anja aêŋoc nanj, êtu ŋadônjônj. Ôndanŋuc binj tau toôkê êwiŋ ma totêmtac êwiŋ, taŋ ŋam kêsêp Kilisi-Jesu nanŋenj.

¹⁴ Ojop gêj ŋajam samob, taŋ kêsêp aôm lêmam sugac nanj. Ma ŋalau Dabunj, taŋ gêŋgônj nêj ŋalêlôm nanj, êpuc aôm tôj êtu kôm tonanja.

¹⁵ Aôm gônjô sugac gebe lau Asiaŋa samob sêkac taunj su anja aêŋoc e Pugele agêc Hermogene sêwiŋ êsêac amboac tonanŋenj.

¹⁶ Apômtau taê walô Onesiporonê gôlôac gebe ŋac tau kêmoasiŋ aê kêtû dim taêsam ma maja kêtû aêŋoc kapoacwalônja atom.

¹⁷ Enj mêngeô lasê Rom e gacŋen gesom aê ŋapanj e kêtap aê sa.

¹⁸ Apômtau êkêj enj êtap Apômtaunê taê walô sa êndêj bêc ônê. Aôm taôm kôjalagac gebe enj gêjam

sakinj aê njanô anja Epese amboac tonanj. * tau kêpi gamênj tanj sêsam tenj gebe Asia saunj.

2

Kilisi Jesu nê sinwaga njam

¹ Ma aôm latucenec, moasinj tanj njam kêsêp Kilisi Jesu nanj, êkênj aôm ôkô njanja.

² Ôkênj binj, tanj aôm gônô aê kasôm lasê gêdênj lau taêsam sênjô nanj, êndênj lau-njanênwaga. Lau tonanj oc têtôm gebe sêndônj êndênj lau njagêdô amboac tonanj.

³ Aôm kôtu Kilisi Jesu nê sinwaga njam, tec ôc gêñwapac ôwinj sinwaga njagêdô.

⁴ Nac tanj kêtü sinwaga nanj, ênam nê kôm njagêdô êwinj atom, gebe sinj njatau êlic enj njam.

⁵ Nac tenj embe êninj kwanjkwatinoc êwinj lau njagêdô ma êlêti êtu njamata, mago eso njagôlinj, oc êkôc njasunsunj atom, êlêti êtôm njagôlinj acgom.

⁶ Nac tanj gim tau su kêtü kôm monja nanj, nac tonanj enj êninj kôm njanô êtu njamata.

⁷ Taêm ênam njoc binj, tanj kasôm nanj, gebe Apômtau êkênj aômnêm kauc êsa êpi binj samob.

⁸ Taêm ênam Jesu Kilisi, tanj gêdi sa anja njacmatênênj. Enj anja Dawidnê njawê kêtôm njawae njam, tanj gawa sa nanj.

⁹ Kêtü binj tonanja aê gaôc gêñwapac e sêsê aê tônj katôm nac sec. Mago sêsô Anôtônê mêtê tônj gêwinj atom.

¹⁰ Kêtü binj tonanja aê gaôc gêñwapac totêtac kêpa sugenj kêtü lau, tanj Anôtô kêjalinj êsêac sa nanja, gebe êsêac têtap moasinj Anôtô ênam êsêac kêsinja to

* **1:18:** Njê Asia kêkanônj masanjm kapônênj Asia atom. Njê

ņawasi tengeņņa, taņ ñam kêsêp Kilisi Jesu naņ, sa amboac tonanņeņ.

11 Biņ tonec tec ñanô gebe

“Aêac embe tamac êndu dawin eņ, go dangôn mater jali dawin eņ amboac tonanņ.

12 Embe daôc gêņwapac totêntac êpa sugen, go tanam gôlin lau dawin eņ.

Embe dansa eņ auc, oc ênsê aêac auc amboac tonanņeņ.

13 Embe takêņ êwin eņ atom, mago eņ oc êmoa ñaņêņ, gebe eņ enseņ tau nê biņ êņgôm êtôm atom.”

Biņ kêpi kolenwaga ñanô

14 Biņ tonanņ ôsôm êndêņ lau gebe taêņ ênam. Ma ôwa sa êndêņ êsêac tonanôgeņ ôkô Anôtô lanônêm gebe sêpa taunņ êtu mêtê ñabin tokain̄tokain̄ņa atom. Lêņ amboac tonanņ ñamoasin teņ gêc atom, oc êlênsôn lau-sêņô-biņ-tauwaga.

15 Ôlim palê ma ôwaka taôm sa êndêņ Anôtô amboac aôm kwalam lanğwa teņ. Ôwa taôm sa amboac kolenwaga, taņ maja kêtu nê kolenņa atom ma kêdôn Anôtônê biņ-ñanô jagêdêņgeņ naņ.

16 Ônac jaê biņgalôm ñaôma to alôb-alôb. Biņgalôm tonanņ oc êwê lau e sendec Anôtô samucgeņ.

17 Êsêacnêņ biņ kêtôm kamoc sec, taņ todec-todec ma gelom-gelom naņ. Lau tonanņ nêņ ñac luagêc tonec Humenai agêc Pilete.

18 Êsêagêc seso biņñanô sugac. Agêc sêsôm sebe dêdi sa sugac, tec sesen lau ñagêdô nêņ sêkêņ gêwin su.

19 Mago Anôtônê alê ñajaņa tec kêkô ma sepeņ biņ tonec kêsêp gêja gebe “Apômtau kêjala nê lau,”

ma ñalô tenj tonec gêwiñ gebe “Samob tanj sêsam Apômtaunê ñaê lasê nanj, sêkac taunj su anja binj geo.”

²⁰ Anja andu kapôênj ñalêlôm aêac tatap laclu gold to silbergenj sa atom, laclu ñagêdô sêmasanj ña ka to nomku amboac tonanj. Laclu ñagêdô kêtû gêñ ñajamña, ñagêdô gêjac gêñ ñaômanjaôma ñawae.

²¹ Ñac tenj embe êngaminj tau êndênj lau tonanj ñai e êtu selec, oc êtôm laclu dabunj, tanj gêjac gêñ ñajam ñawae nanj, ma andu ñatau oc êlic enj êtôm gebe ênam kôm ñajam samob ñapep.

²² Ôêc gêñ ñakalac, tanj kêlêtôm lau matac nanj su. Ôtu kêka-kêka binj gêdênj to ôkênj êwiñ ma têtmac êwiñ to binjalô ôwiñ lau, tanj awenj gêjac Apômtau tonjalêlôm ñawagenj gebe êpuc êsêac tôñ nanj.

²³ Ômasuc binjalôm meloc to kauc gêbôc. Aôm kôjalagac gebe binj tonanj oc êtu kisa ñamôkê.

²⁴ Apômtaunê sakinwaga êtôm gebe êtu kisa ñamôkê atom. Enj têtac malô êndênj lau samob ma êndônj êsêac ñapep to êoc launênj sec totêtac êpa sugenj.

²⁵ Enj êmêtôc lau-sesenj-binjwaga tonê ñalêlôm malôgenj. Moae Anôtô êkênj êsêac sênam taunj ôkwi e sêjala binjnanô tau.

²⁶ Go nêñ kauc ñawa êsa êtiam ma sêkac Sadanê lakô, tanj kêkô êsêac e sêsô ênê binj ñalabu nanj su.

3

Binj kêpi têm ñamuña

¹ Taêm ênam binj tonec acgom gebe Êndênj têm ñamuña gêñwapac sec oc mênêsa.

² Êndênj tonañ ñamalac oc têtac êwiñ lau ñagêdô atom, sêmoasiñ taunj ôlingenj to matenj katu awa. Êsêac sênjgôm lanemboa to tetoc taunj sa ñawaô. Êsêac sêsôm biñ alôb-alôb to tañenpêc êndênj tenenji to tamenji. Êsêac sênam danje moasiñ tenj atom to sendec mêtê ñalênj.

³ Êsêac têtü kasec lau to taênj walô êsêac atom. Êsêac sênnga biñ to sênjgôm eso tonjaclaigenj. Êsêac lanjônjsiboa to têtac endec gênj ñajam.

⁴ Êsêac seoc nêñ lau lasê êndênj ñacjo, sênjgôm nêñ gênj sêkacgenj e sênjgôm gênj ñagêdô palin. Êsêac sêmboa taunj to têtac êwiñ lênj têtac ñakalacña êlêlêc têtac êwiñ Anôtônê su.

⁵ Êsêac oc sêkwê taunj auc ña Anôtônê mêtê, ma tagenj sênsa mêtê ñañaclai auc. Ônac jaê lau samob tonañ ñai.

⁶ Lau tonañ nêñ ñagêdô oc sêpi andu nasêlêtôm lauo tobiñ, tañ ñakalac tokainj-tokainj kêkac êsêacña nanj.

⁷ Lauo tonañ sebe sênjô biñ wakuc-wakuc ñapanj, mago nêñ kauc êsa êpi biññanô tau atom.

⁸ Lau tonañ sêjac jao taunj gêdênj biññanô tau amboac Jane agêc Jambre sêjac jao taunj gêdênj Mose. Ñamalac tonañ nêñ kauc kêtü sec ma sêkênj gêwiñ kwalec.

⁹ Mago lau tau sêsa nêñ lênj tonañ balingenj atom, gebe nêñ meloc êtü awê êndênj lau samob êtôm biñ, tañ kêtap Jane agêc Jambre sa nanj.

Daôc gênjwapac tasêp mêtê tönjenj

¹⁰ Mago aôm kôdaguc mêtê, tañ kadônj gêdênj lau nanj, to ñoc lênj. Aôm kopenj lêñtêpôê tagenj gôwiñ

aê to kodaguc ñoc kakêñ gêwiñ. Aôm gôn ñañêñgen to têtmac gêwiñ lau kôtôm aê ma gôc gêñwapac totêtmac kêpa sugen gôwiñ.

¹¹ Aôm gôlic lau sêjanda aê to gaôc gêñwapac, tañ kêtap aê sa ança Antiokia to Ikonium ma Lustra nañ. Lau tônê sêlêsú aê ñanôgen. Mago Apômtau gêjam aê sa ança gêñ samob tonañ ñaigoc.

¹² Lau samob, tañ sebe sêsa nêñ lêñ mansanjen to Kilisi Jesugen nañ, oc sêjanda êsêac ma têtap ñandañ sa.

¹³ Lau sec to dansañtêna oc sêsa nêñ lêñ geo e ênam sêga. Êsêac oc sênsau lau ñagêdô to sênsau taun êwiñ.

¹⁴ Mago aôm ôsap biñ, tañ têdôn gêdên aôm e kôkên gêwiñ ñajana nañ tôn, gebe aôm kôjala lau, tañ têtú nêñ kêdônwaga nañgac.

¹⁵ Ma aôm kôjala gebe aôm ñapalêgen ma gônô mêtê dabun, tañ teto gêc nañ. Mêtê tonañ kêtôm gebe êkên kauc êndên aôm e ôkên êwiñ Kilisi Jesu ma ôtap moasin Anôtô ênam aôm kêsinja sa.

¹⁶ Mêtê samob, tañ teto gêc nañ, Anôtônê ñalau gêsun gêdên ñamalac, tec kêtôm gebe êndôn biññanô êndên aêac ma êmbu aêacnên sec to êmêtôc aêac ma êwê aêac tasa lêñ gêdên.

¹⁷ Mêtê gêjam kôm tonañ kêpi ñamalac gebe ñac, tañ kêsap Anôtô tôn nañ, ênac dabin tau e êtôm gebe ênam kôm ñajam samob topalêgen. * Langwa atom, mago Judawaga sêjac minjen kêpi êsêagêc. Êsêagêc têtú Paraonê mectomanwag a, tañ sêjac sin gêdên Mose.

* **3:17:** Ñac luagêc tonañ nêñ min kêsêp Binjênsêm

4

¹ Aê kajatu aôm kakô Anôtô agêc Kilisi Jesu, tañ oc êmêtôc lau maten jali to ñacmatê ma eoc tau to nê gôlinj lasê nanj, lanjônên gebe

² Ônam mêtê lau topalêgenj êtôm têm samob, êsêac sêkênj tañenj me sêkênj tañenj atom. Ômbu êsêacnênj sec to wec binj êsêac ma ôlênj binj êsêac to ôndônj mêtê êndênj êsêac ôñ ñañênjenj.

³ Aê galic gebe noc oc mênêsa ma lau oc sêkôc mêtê ñajam sa atom. Êsêac tauñ oc sêmboa nênj kêdônjwaga sa êtôm tauñ nênj têtac ñakalac. Kêdônjwaga tonañ oc sêndônj binj êtôm êsêac têtac êwiñ gebe sênjôña.

⁴ Lau tônê oc sênam tañenjsunj ôkwi eo gala anja binjanô ma sêkênj tañenj sêboacogenj.

⁵ Amboac tonañ aôm ôngôm nêm gênj samob tonêm kauc ñawagenj. Ôc gênjwapac. Ônam kôm jaeñwagaña to ônac dabinj nêm sakinj.

⁶ Aê katu da tec gamoa ma ñoc noc jamac êndunja kêdabinjac.

⁷ Aê gajac sinj ñajam tau e gêbacnê. Aê kêlêti e gaô lasê ñoc lêtêpôê ñabelo ma kêkam kakênj gêwiñ tôñj.

⁸ Galoc sêmasañ sunsunj binjêdênjña tec kêsaê aê gêc, ma Apômtau, mêtôcwaga gêdênj tau, oc êkênj sunsunj tau êndênj aê êndênj bêc ônê. Mago aê taucgenj oc jatap sa atom, êkênj êndênj êsêac, tañ têtac gêwiñ enj eoc tau lasênja nanj, samob sêkuc sêwiñ amboac tonañenj.

Paulu tau nê binj ñagêdô

⁹ Ônsaic taôm ôndênj aê ômôênj sebenj

¹⁰ gebe Dema têtac gêwiņ gêņ nomņa e gêwi aê siņ ma gêc gêja Tesaloniki, ma Kreske gêja Galata, ma Titi gêja Dalmatia.

¹¹ Luka taugenj tec gêmoa gêwiņ aê. Ôkôc Marka agêc awiņ taôm amêņ. Eņ kêtôm gebe ênam aê sa êtu sakiņņa.

¹² Tukiki tec kasakiņ eņ gêja Epese su.

¹³ Embe ômôêņ, naņ ôkôc ņoc ņakwê baliņ, taņ gawi siņ gêc Karpanê andu aņga Troas naņ. Ojoņ buku amboac tonañ ma ôliņ bôc ņaôlic, taņ kato ņoc biņ kêsêp naņ, siņ atom.

¹⁴ ņac-kêpac-kiwaga Alesandere kêtu kasec aê elêmê. Apômtau êkêņ ņagêjô êndêņ eņ êtôm gêņ, taņ eņ gêgôm naņ.

¹⁵ Ojop taôm êndêņ eņ êwiņ, gebe eņ gesen aêacnêņ biņ ņawaô.

¹⁶ Gêdêņ taņ ņawa tauc sa gêdêņ gôliņwaga kêtu ņamata naņ, ņac teņ kêpuc aê tôņ atom, samob sêwi aê si ņgac. Aê kateņ Anôtô gebe êkêņ ņagêjô endêņ êsêac atom.

¹⁷ Mago Apômtau gêmoa gêwiņ aê ma kêpuc aê tôņ, tec gajam mêtê tomalagenj lau samuc samob sêņô. Ma Apômtau gêjam aê sa gêdêņ lewe awasuņ.

¹⁸ Apômtau tau oc ênam aê sa êndêņ ņamalacnêņ sec samob ma ênam aê kêsi jaņgôņ ênê gamêņ undambêņa. ņawasi êndêņ eņ teņgeņ ma teņgeņ. Biņņanô.

Paulu gêjac mata nê papia

¹⁹ Ôsôm êndêņ Priska agêc Akwila ma Onesiporonê gôlôac gebe aoc gêjac êsêac.

²⁰ Erasta gacgeņ gêņgôņ Korinti ma Tropim kêtap gêmac sa, tec gawi eņ siņ gêc Milete.

²¹ Ônsaic taômgenj ômôênj gebe ôsêp komô ñalêlôm atom. Aibulu agêc Pude ma Lini agêc Klaudia ma lasitêwai samob awenj gêjac aôm.

²² Apômtau êwiñ aômnnêm ñalau. Moasiñ êndênj amac êwac.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb